

ГЭРТ ТАНЫ ХҮРГЭЖ ӨГӨХӨӨР БИ ИРЛЭЭ

Төгс Гэгээрсэн Их Багш Чин Хайн тавьсан ном,
ишлэлийн түүвэр

Төгс Гэгээрсэн Их Багш Чин Хайн Олон Улсын
Нийгэмлэгийн Хэвлэлийн ХХК

Зохиогч: Төгс Гэгээрсэн Их Багш Чин Хай
Дүрс ба дуу бичлэг: Видео баг
Сийрүүлсэн: Формосагийн лекц сийрүүлэх баг
Орос хэлнээс орчуулсан: Б.Төмөрбаатар
Англи эхтэй нь тулгаж хянан тохиолдуулсан: Д.Алтанзаяа
Эмхтгэсэн: Софи Лапер ба Памела Миллар
Хавтасны дизайныг: Эн Сө Янг
 Төгс Гэгээрсэн Их Багш Чин Хайн бүтээл "Японы алимын
 цэцэрлэг" уран зураг
Хэвлэсэн газар: Төгс Гэгээрсэн Их Багш Чин Хайн
 Олон Улсын Нийгэмлэгийн Хэвлэлийн ХХК.
 Address: Rm. 16, 8F, No. 72, Set.1, Zhongxiao W. Rd.,
 Zhongzheng Dist., Taipei(100), Formosa, R.O.C.
 Утас: 886-2-23759688 Факс: 886-2-23757689
 И-мэйл: smchbooks@Godsdirectcontact.org

Төгс Гэгээрсэн Их Багш Чин Хай©2016

Энэхүү номын бүх эрх зохиогчийн эрхийн хуулиар
 хамгаалагдсан болно.

Зохиогч болон эрхлэн хэвлүүлэгчээс зөвшөөрөл авсны дараа энэ
 номыг олшруулж хэвлэж болно.

Төгс Гэгээрсэн Их Багш Чин Хайн Олон Улсын Нийгэмлэг нь дэлхий даяар
 бясалгалын төвүүдтэй бөгөөд эдгээр төвүүд нь шашин шүтлэг, үндэс угсаа
 харгалзалгүй Төгс Гэгээрсэн Их Багш Чин Хайн уламжилсан Арьяабалын
 номын цогц хэмээх бясалгалын өнө эртний аргатай танилцан суралцахад нь
 хүмүүст тусалдаг юм.

АГУУЛГА

Өмнөх үг	7
Хайр энэрлийн замаар замнахуй.....	9
1. Дэлхий дээрх амьдрал.....	13
• Дэлхий дээрх бидний зорилго.....	15
• Ирээдүй бидний гарт.....	17
• Газар дэлхийн хайраас хальж гарахуй.....	23
• Бурханлаг хайр.....	30
2. Саадыг гэтлэхүй.....	35
• Хорт мууг гэтлэхүй.....	45
• Шалтгаан үр дагаварын хууль.....	48
• Төрөл арилжихуй.....	52
• Үхэл ба үхэхүй.....	56
3. Шашин суртахуунаас оюун санааны ухааралд хүрэхүй ...	63
• Шашин суртахуунаас хальж гарахуй.....	66
• Христын мартагдсан илгээлт.....	67
• Есүс ба бясалгал.....	71
• Эзэн Бурханаас тусгаарлагдахуй.....	72
• Гэртээ харихуй.....	74

4. Гэрлийг олохуй	83
• Дотоодын Бурханы Орон	83
• Эзэн Бурханыг ухаарахуй.....	86
• Гэгээрэл буюу агуу их сэхээрэл	90
• Туулан гэтэлгэх гурван зам мөр	92
• Агшин зуурын гэгээрэл	93
• Энэ ертөнцийн чанадад.....	97
5. Багш нар гэж хэн бэ?.....	101
• Жинхэнэ Багшийг хэрхэн таних вэ?.....	103
• Гурван янзын багш	106
• Бидэнд яагаад амьд сэрүүн Багш хэрэгтэй вэ? .	109
• Амьд сэрүүн Багшийг хайрлахуй.....	117
• Их Багш нарын зам мөр	118
6. Авшиг	123
• Авшиг хүртэхүй.....	123
• Авшиг хүртэхийн ач тус	125
• Шавилахуй	127
• Таван сахил.....	131
• Мацаг хоол	139
7. Бясалгал	144
• Бясалгалын жинхэнэ утга учир	146
• Хэрхэн яаж бясалгах вэ?	148
• Арьяабалын бясалгалын арга	154
• "Үг" хэмээх дотоод хэлбэлзэл	157

Хавсралт

а) Лекцийн жагсаалт	162
б) Хэвлэл	167
в) Бидэнтэй хэрхэн холбогдох вэ	174

Нэмэлт тайлбар

Эзэн Бурхан болоод Дээд Оюун Санааны тухай ярихдаа Эзэн Бурхан эр эсвэл эм хүйстэй алин болох маргаанаас зайлсхийж, хүйсний ялгаа заадаггүй оригинал нэр томъёо хэрэглэж байхыг Багш бидэнд зөвлөсөн юм.

She + He = Hes (Bless гэдэгтэй адил дуудна.)

Her + Him = Hirm (Firm гэдэгтэй адил дуудна.)

Hers + His = Hiers (Dear гэдэгтэй адил дуудна.)

Жишээлбэл: Эзэн Бурхан хүсвэл юмыг Тэрээр (Hes) Өөрийн (Hirm-self) тааллаар, Түүний (Hiers) хүсэл зоригт нийцэж байхаар хийдэг юм.

Оюун санааны багш, уран бүтээлч дизайнер Төгс Гэгээрсэн Их Багш Чин Хай дотоодын гоо сайхныг илэрхийлсэн бүхий л зүйлд дуртай байдаг юм. Тиймээс ч Тэр Вьетнамыг “Ау Лак”, Тайванийг “Формоса” хэмээн нэрлэдэг. Ау Лак гэдэг нь эртний вьетнам хэлээр аз жаргал гэсэн үг бол Формоса буюу үзэсгэлэнтэй гэсэн үг нь Тайваний арлын байгаль болоод ард түмний сайхныг бүрэн дүүрэн илэрхийлнэ. Эдгээр нэрийг хэрэглэх нь тухайн нутаг орон ард түмэнд нь аз жаргал, оюун санааны дэвшил авчирна гэж Их Багш үздэг юм.

ӨМНӨХ ҮГ

Тэнсэлгүй үнэхээр туулсан, номлолоо айлдаж буй Багштай учран ариун холбоо тогтоох хувь зохиол хүн бүхэнд тохиодог гэж үү? Ийм зүйрлэшгүй эрхэм нандин аз завшааныг "Гэрт чинь хүргэж өгөхөөр би ирлээ" хэмээх энэ дээдийн ном олгож байна. Тэнсэлгүй туулсан Багш Чин Хайн тайлсан ном лекц, ярилцлага, албан бус ярианаас нэгэн шавь нь өөртөө тэмдэглэж авсан хувийн цуглуулгаас энэ номын эхлэл тавигдсан ажээ. Англи хэл дээр тайлсан ном сургаалыг сийрүүлэн бичсэн болон өөр бусад олон хэлнээс орчуулгыг үйлдсэн чин сэтгэлт шавь нарынх нь тус дэмжлэгээр Их Багшийн адислалт номын сэдвүүдийг та бүхний таалалд толилуулж байна.

Дотооддоо орших бурхан чанараа бүрэн дүүрэн таньсан Их Багш нар гэдэг хэн бүхний дотоодод орших хамгийн эрхэм ариун бурханлаг чанарын төгс төгөлдөр толь нь болдог. Тэд өөрсдийн ашиг тусын төлөө биш эх болсон зургаан зүйлийн хамаг амьтныг зовлонгоос гэтэлгэхийн төлөө Гэгээрлийн зам мөрөөр буцалтгүй замнадаг юм. Их Багш Чин Хай бол ийм тэнсэлгүй үнэхээр туулж гэгээрсэн Багш нарын нэг юм. Өнө эргнээс Их Багш нар энэ замбативд залрах үедээ хүмүүст уламжилж байсан, дотоодын Гэрэл ба Аялгуу ажихуй хэмээн нэрлэгдэх бясалгалын арга буюу Арьяабалын номын цогцсыг Тэрээр бидэнд уламжлан дамжуулж, төгс гэтэлгэх мөрийг зааж өгдөг.

"Гэрт тань хүргэж өгөхөөр би ирлээ" хэмээх дээдийн номын бүлэг сэдэв бүр нь Тэнсэлгүй үнэхээр туулсан Их Багшийн билгүүн ухааны эрдэнэсийн сангаар таны оюун санааг бүхий л талаар гийгүүлэн, арвин их асуудлыг тайлбарлан тодотгож өгөх болно. Номын ихэнх сэдэв асуулт хариултын хэлбэрээр орсон нь агуулгыг илүү тодорхой болгохын сацуу

Арьяабалын бясалгал болон Их Багшийн айлдсан бусад сургаалын олон талыг гүн гүнзгий ойлгох боломж олгоно.

Бясалгагч шавь нар нь энэ номыг та бүхэнд өргөн барихдаа Төгс Гэгээрсэн Их Багш Чин Хайн эх сургаалын мөн чанарыг хадгалахыг чармайн, хамгийн чухал гэж үзсэн номлолуудын гол санааг онцлон багтаахыг хичээсэн билээ. Ийнхүү ном маань товчлон сийрүүлсэн шинж чанартай болохоор зарим үгс, түүнээс үүдээд утга санаа нь Их Багшийн жинхэнэ үгнээс ялгаатай байж мэдэх юм. Их Багш шавь нарынхаа чинхүү сэтгэл зүтгэлийг нигүүлсэн ойлгож, төгс төгөлдөр болж хараахан чадаагүй байж болох энэ номыг хэвлэн нийтлэхийг зөвшөөрсөнд бид баяртай байна.

Түүнчлэн Тэнсэлгүй Үнэхээр Туулсан Их Багш Чин Хай ном айлдах үедээ бичлэг хийхийг зөвшөөрч, дуу бичлэг, дүрс бичлэг нь олон хэлбэрээр бидэнд хүрэх боломжтой байдаг нь маш их аз завшаантай хэрэг юм. Эд бүхний ач буянаар, Тэнсэлгүй Туулсан Бурханы тайлсан номын уддисыг цаашид хүртье гэсэн уншигч хэн боловч эл номын ишлэлийн ном зүйн удирдамжийг ашиглан гүнзгийрүүлэн судлах боломжтой.

Та бүхнийг харанхуй мунхагийн манангаас Аугаа Их Сэхээрэл, Гэгээрэлд хүрэх замд тань Үнэний Мөр, Үнэний Хөтөч замчлах болтугай.

ХАЙР ЭНЭРЛИЙН ЗАМААР ЗАМНАХУЙ

Эдүгээ үеийн Төгс Гэгээрсэн Их Багшийн амьдралын зам мөр

Хайр нигүүлслийг гололгүй, чамлалгүй
Хаа ч явсан хайн эрнэ, бид
Ханагар дэлхийн хэвлий дээрх
Хамаг амьтантай хуваалцъя юу гэсэн юм.

Уулзан учирч ухаарч гэгээрэхийн хувь тохиосон хүн бүхэнд Тэнсэлгүй үнэхээр туулсан Их Багш Чин Хай хэмээн хүндлүүлэн өргөмжлөгдсөн Тэрбээр хайр энэрлийн замаар хэрхэн замнахын үлгэр дуурайл юм.

Нэрд гарсан хүмүүнлэг энэрэнгүй үзэлтэн, уран бүтээлч, оюун санааны хөтөч энэ билгүүн ухаантны хайр энэрэл, тус дэмжлэг нь соёл суртлын болоод арьс өнгөөр ялгаварлах хориг саадыг даван дэлхийн өнцөг булангийн сая сая хүмүүст хүрдэг. Үүний заримаас дурдахад: орон гэргүй ядуус, ДОХ болон хорт хавдар судлалын хүрээлэнгүүд, АНУ-ын дайнд оролцсон ахмад дайчид, дорой буурай амьдралтай өндөр настнууд, хөгжлийн бэрхшээлтэй ба оюуны хомсдолтой хүмүүс, дүрвэгсэд, газар хөдлөлт, үер, түймэр зэрэг байгалийн гамшигт нэрвэгдэгсдийг нэрлэж болно. Дээрх үйл ажиллагаагаар улбаалан билэг төгөлдөр халамжит эмэгтэйн бурханлаг чанар, Түүний нигүүлсэхүй сэтгэлийн үлгэр дуурайлаар үүссэн Олон Улсын Буяны Сангийн энэрлийн тоолж баршгүй олон жишээг мэдэж болно.

“Бидэнд бусадтай хуваалцаж болох сайн зүйл юу л байна, түүнийгээ бид найрсгаар хуваалцдаг. Тэгээд бидний дотоод мөн чанарт маш нарийн өөрчлөлт гарч, ухамсар оюун маань улам их хайр энэрлээр бялхдаг юм. Тэр цагт бид нэг зүйлийг мэдэрдэг. Тэр бол эхлэл нь. Бид үнэн ёсонд суралцан, өсч хөгжихийн тулд, энэ дэлхийнхээ хаана ч амьдарч байлаа гэсэн түүнийгээ диваажин

болгохын төлөө, өөрсдийн дотор орших мөнхийн хайр, мөнхийн билгүүн ухаан, бүтээн туурвихын сэтгэгдэшгүй их хүчээ ашиглаж сурахын төлөө энд ирсэн юм.”

Их Багшийн бага идэр нас

Төгс Гэгээрсэн Их Багш Чин Хай Вьетнам улсын төв хэсэгт мэндэлжээ. Тэрбээр хүүхэд ахуй цагаасаа мацаг хоол идсэн байна. Сурагч байхдаа эмнэлгийн өвчтөнүүдийг асран сэтгэл санааны дэмжлэг үзүүлж, ядарч зүдэрсэн хүмүүс, шархадсан зовсон амьтдад өчүүхэн биеийнхээ чадлын хэрээр үргэлж тусалдаг байжээ. Насанд хүрмэгцээ Европт очиж суралцан, дараа нь тэндээ Улаан загалмайн нийгэмлэгт орчуулагчаар ажиллаж байв. Энд ажиллаж байхдаа хүмүүний зовлон шаналал гэдэг дэлхийн аль ч үндэстэн ястан, аль ч өнцөг буланд адилхан байдаг юм байна гэдгийг төдөлгүй ухаарч, энэ эмгэгийг илааршуулах арга замыг эрж олох нь Түүний амьдралын хамгийн эн тэргүүний зорилго болсон юм. Энэ үед Тэр нэгэн герман эрдэмтэн эмчтэй гэр бүл болж, аз жаргалтай амьдарч байсан бөгөөд ургийн холбоогоо салгаж, тус тусийн зам мөрийг хөөх гэдэг хэн хэнд нь хатуу бэрх шийдвэр байсан хэдий ч Түүний чин үнэн хүсэл эрмэлзлийг мэдэх нөхөр нь удаан бодсоны эцэст зөвшөөрчээ. Ийнхүү Тэр Билгүүн ухааныг эрэлхийлэн аяндаа гарсан нь хоёр жил хэртэй үргэлжлэв.

Гималайн нуруунд дияанчилсан нь

Мянган уул давааг давж, түмэн гол усыг гатлан, олон улс орноор аялан Үнэнийг эрсний эцэст Тэр Энэтхэгийн Гималайн нурууны гүнд хүрч, дотоодын гэрэл ба аялгууг бясалгадаг Арьяабалын номын цогцсын бурханлаг дамжлагыг өөрт нь уламжилж өгөх Гэгээрсэн Их Багшаа олсон байна. Хэсэг хугацаанд битүүмжлэн бясалгасны дараа Өөрөө төгс гэгээрэлд хүрчээ.

Гималайгаас эргэж ирснийхээ дараахан үеэс эргэн тойрныхоо хүмүүсийн ихэд хичээнгүйлэн хүссэнээр Арьяабалын бясалгалын аргыг тэдэнтэй хуваалцан авшиг хүртээж, тэднийг өөрсдийн агуу их хүчээ дотоодоосоо эрж олоход нь дэмжин зоригжуулж эхэлсэн юм. Амьдралын янз бүрийн замаар замнаж

яваа хүмүүс шашин шүтлэг, нийгмийн гарал, арьс өнгийг үл харгалзан Гуань Инь бясалгалын ач тусаар өдөр тутмын амьдралдаа үлэмжийн их сэтгэл ханамж, аз жаргал, амар амгалант олж авснаа ухаарсан билээ. Удалгүй АНУ, Европ, Ази, Өмнөд Америк зэрэг дэлхийн өнцөг бүрээс, мөн НҮБ-аас Чин Хай Багшийг ном тайлж өгөхийг хүссэн урилгууд ар араасаа хүрэлцэн ирлээ.

Амьдарч буй гариг дэлхийгээ үзэсгэлэн төгөлдөр болгохуй

Их Багш Чин Хай сүнс сэрлийн болон хүмүүнлэг туслалцааны эрхэм үлгэр дуурайл болохын зэрэгцээ хүмүүст амьдарч буй энэ дэлхийгээ гоо сайхан болгох урам зориг хайрлаж байдаг. Арьяабалын номын цогцсыг бясалгаж, төгс гэгээрэлд хүрснээр Чин Хай Багшийн дотоодын билгүүн ухаан, хүч чадал бүрэн дэлгэрч, олон авьяас билгээ нээсэн юм. Тэр уран зураг, яруу найраг, хөгжмийн бүтээл туурвил, үнэт эдлэл, хувцасны загвараараа дамжуулан, өөрийн мэдэх үндэстэн ястан олны дотоод сэтгэлийн болоод гаднахь гоо сайхныг илэрхийлэн харуулдаг билээ. Олон нийтийн хүсэлтээр 1995 онд Чин Хай Багш хувцасны загваруудаа Лондон, Парис, Милан, Нью-Йорк зэрэг хотуудаар олон улсын алдартай загварынхны хүрээнд аялан толилуулжээ. Их Багшийн уран бүтээлийн орлого нь Эзэн Бурханы үр хүүхдүүдийг ядарч зүдрэхэд нь ивээн туслах Түүний эрхэм ариун үүргийг хэрэгжүүлэхэд нь тус болох хүмүүнлэгийн зорилготой сангийн бие даасан эх үүсвэр болж чадсан юм.

Их Багшийн гавьяа шагнал ба Түүний мөрөөдөл

Чин Хай Багш хэдийгээр алдар нэр, талархал шагналыг огтоос хүсэмжилдэггүй ч дэлхийн олон орны төр засгийн болон хувийн байгууллагуудаас Түүний бие сэтгэл харамгүй их үйлсийг нь үнэлж өдий төдий цол, шагналуудаа олгосоор ирсэн юм. Үүнд:

Дэлхийн Энх Тайвны Шагнал, Дэлхийн Оюун Санааны Удирдагчийн Шагнал, Хүний Эрхийг Дэмжигчийн Шагнал, Дэлхийн Хүмүүнлэг Иргэний Шагнал, Хүн Төрөлхтний Гарамгай Зүтгэлтэн, 2006 оны Гузийн Энх Тайвны Шагнал, Лос Анжелосын Хөгжмийн Долоо Хоногийн Шагнал, асар өндөр нэр хүндтэй Телли-ийн 27 дахь жилийн шалгаруулалтын Нэгдүгээр Мөнгөн Эрдэнийн шагнал зэргийг дурдаж болно. Түүгээр ч үл барам 10-р сарын 25 ба 2-р сарын 22-ныг АНУ-д Чин Хайн Өдөр болгон тэмдэглэдэг уламжлал тогтжээ. Хонолулу хотын Захирагч асан Франк Фасигийн хэлсэнчлэн “Тэр бол агуу их гэрэлт хүмүүн, бид бүхнийг өршөөн нигүүлсэгч сахиулсан тэнгэр юм”. Чин Хай Багш бол сайн сайхан ирээдүйгээ бүтээн босгоход нь олонд туслагч, хүн төрөлхтөнд өөрийгөө үнэнээсээ зориулагч, манай эриний агуу их хүмүүсийн нэг мөн билээ. Түүхэн дэх агуу их хүмүүст бүгдэд нь хүсч мөрөөдөж явдаг зүйл байсан. Чин Хай Багшид ч бас тийм хүсэл мөрөөдөл буй. Тэр Өөрөө:

*“Дэлхий ертөнц маань энх амгалан болоосой гэж
би мөрөөддөг.*

*Аливаа аллага хядлага зогсоосой, хүчхэд бүхэн амар
амгалан, эв найртай амьдраасай гэж би хүсдэг.*

*Бүх цндэстэн гар гараа барилцан, бие биенээ харилцан
хамгаалж, тусалж байгаасай.*

*Манай цзэсгэлэнт гариг дэлхий маань бүү устаж
сүйрээсэй гэж би хүсдэг.*

*Энэ гариг маань бүрэлдэн тогтоход мянга түмэн тэрбум
жил шаардагдсан билээ.*

*Дэлхий маань маш цзэсгэлэнтэй, гайхалшигтай
ишүү дээ.*

*Энэ дэлхийгээ би хойшдоо байсаар байх болно, ингэхдээ
энх амгалан, гоо цзэсгэлэн, энэрэл хайр дээр оршин
тогтносоор байх болно
хэмээн хүсч мөрөөддөг юм”*

гэж өгүүлж байна.



Дэлхий дээрх амьдрал

Цаглашгүй Их Багш Чин Хайн тавьсан лекцээс

Бидний амьдрал яг л сэрж амжаагүй зүүд мэт бөгөөд бид хэчнээн удаан унтсан байсан ч хамаагүй, сүнс маань сэрмэгц л өөрсдийн жинхэнэ мөн чанараа нээдэг юм. Гэгээрэх үедээ бид оршихуйн дээд түвшинд хүрч, амьдралыг огт өөр талаас нь харах бөгөөд энэ бүхэн нь үтэр түргэн, ямар ч хүч чармайлт, догдлол хямралгүйгээр болж өнгөрдөг. Яг л кинонд хэн нэг нь үхэхэд энэ чинь ердөө л кино шүү дээ гэж бид мэдэж байдагтай адил юм.¹⁷

Бид бүгдээрээ кино од, харин дэлхий бол асар том тайз билээ. Бид төрлөөс төрөл дамжин заримдаа эхнэр, нөхөр, сайд дарга эсвэл хатан хааны дүрд, хааяа нэг их тааламжтай биш дүрд ч тоглодог. Бид мэдэхгүй, дүрдээ тоглосоор л, яагаад

би энэ дүрд тоглох ёстой, яагаад хаан ширээнд өөр хэн нэг нь сууж байхад би ердөө нарийн бичгийн дарга төдийхөн байна вэ гэж өөрөөсөө асуудаг. Нойрноосоо нэгэнтгээ сэргчихсэн хүмүүс бол ертөнцийг бидний суралцахад болон хүсэл, хэрэгцээгээ биелүүлэх, төгс төгөлдөрт улам ойртоход зориулсан тайз төдий юм гэдгийг мэднэ”¹⁴

“Олонхи хүмүүсийн амьдралын хэв маяг нь хараахан бүрэн дүүрэн бус, аз жаргал болоод билгүүн ухааныг олоход тийм ч их зохимжтой бус байна. Оршихуйн олон түвшин байдаг бөгөөд эхнийх нь материаллаг, биет түвшин. Хүмүүсийн ихэнх нь идэх, унтах, бие махбодын бүх төрлийн таашаалд дурлах зэрэг мэдрэхүйн цэнгэл жаргал хөөцөлдөхийг гол зорилгоо болгож, залхуурал назгайралд автах хандлагатай энэ түвшинд амьдралаа өнгөрүүлдэг. Тэд амьдралынхаа хэрэгцээг хангахын тулд л зөвхөн ажил хийдэг бөгөөд эрхэм эрмэлзэл, сэтгэл зүрхээ ажилдаа зориулдаггүй. Амьдралаа боломжтой байлгахын тухайд л биш бол тэд ер нь ажил хийх дургүй, бүх хүн төрөлхтний төлөө ажиллах гэдэг тэдний хувьд хэцүү хэрэг байдаг.

Хоёр дахь нь сэтгэл хөдлөлийн гэж нэрлэгддэг түвшин. Энэ түвшний хүмүүсийн үзэл бодлын байр суурь их хүчтэй, эзэрхэг эсвэл дарангуйлагч зантай гэж хэлж болно. Үргэлж л тэдний зөв байх бөгөөд тэд аливаа зүйлийг бусад хүмүүс тэдний жишгээр хийхийг хүсч байдаг. Олон ч дарангуйлагч, хэт даврагч хөдөлгөөний их удирдагч гэгдэгсэд энэ түвшинд хамаарна. Сайн санаатай хэдий ч алдаа хийчихээд түүнийгээ хүлээн зөвшөөрдөггүй, тухайн байдлаа засахыг хичээлдэггүй хүмүүс ч хүртэл энэ түвшинд багтана. Уян хатан чанар дутвал ийм аюултай байдаг юм.

Гурав дахь түвшинд бол бүгдийг бичиж авч чаддаг ч түүнийгээ тунгаан бодолгүйгээр сэлгэн гүйлгэж байдаг компьютер төдий махбод болох тархи (ингэж хэлэхэд харамсалтай байна), оюун ухаан дотор бид амьдардаг. Гэтэл уг нь сүнсний билгүүн ухаанаас ангид тархи бол ердөө л автомат машин юм шүү дээ. Энэ түвшний хүмүүс ерөнхийдөө өөрөө

өөртөө явцуурч, ямар ч хамаагүй нэг үзэл санаанд бүрэн автсан байна. Тэд энэ дэлхийд болж байгаа зүйлийн тухайд санаа зовдоггүй, түүнийг сайжруулах юм уу өөрсдийгөө өөрчлөх үнэн хүсэл төрдөггүй, нэг талаар гагцхисан улс. Тэд өөрсдийгөө байгаа тэр хэвээрээ л төгс төгөлдөр гэж тооцдог бөгөөд олон хүн үүнийгээ гэгээрэл хэмээн эндүүрэх нь бий.

Дараачийнх нь оюун санааны түвшин буюу өөрийгөө төгөлдөржүүлэх түвшин мөн бөгөөд учир нь энд бид өөрсдийгөө сүнстэйгээ адилтган үздэг. Бид бол бидний аз жаргал, урам зоригийн эх булаг болсон сүнстэйгээ угтаа адил, нэгдмэл цогц юм, бид энэ бие махбод биш юм гэдгээ ойлгоно. Бид дэлхийдээ болон өөрсдөдөө туслах гэж эрмэлзэнэ. Гэхдээ энэ нь хамгийн дээд түвшин биш, учир нь бидний “би” гэх үзэл байсаар, тэр нь өөрийн чадлаа ч бас мэдэж байдаг. *“Би Эцэгтэйгээ нэгдмэл юм”* гэж хэлэхэд хүртэл хоёулаа болчихож байгаа нь бас л хэт олдож байна! /Инээлдэв/

Үүний дараа Оройн Дээд Эзэн Бурханы түвшин, Бурханлаг ухамсар хийгээд ухаарлын түвшин байдаг. Эзэн Бурхан гэдэг бид болохоос өөр юу ч бус юм. Бид өмнөх түвшинд байхдаа Эзэн Бурхан биднээс тусгаар оршдог гэж бодож байсан. Тайлбарлахад хэдий амаргүй ч, энэ түвшинд бид хамгийн анх удаа юу ч бодолгүй, тэр байтугай хийж байна гэдгээ ч мэдэлгүй юмыг хийдэг. Бид үйлийн үр хураалгүй бүхнийг бүтээгч болдог. Энэ нь Есүс *“Би хийгээгүй - миний Эцэг хийж байгаа юм”* гэж тайлбарлаж байсан тэр санаа мөн.²⁸

Дэлхий дээрх бидний зорилго

“Гагцхүү Бурханлагийг ойлгож ухаараг гэж л бид бүхэнд хүний амьдрал заяасан юм. Хэрвээ энэ үүргээ үл тоомсорловол, бид одоогийн болоод дараа дараачийн бусад олон төрөлдөө хэзээ ч аз жаргалтай байж чадахгүй. Үнэнийг хэлэхэд энэ бол хүн төрөлхтний зовлон гамшгийн цорын ганц шалтгаан бөгөөд өөр шалтгаан байхгүй. Хэрэв бид

төрөхийнхөө өмнө эхийн хэвлийд байхдаа хэрхэн зовж тэмцэж байсан, урьд насныхаа алдаанд хэрхэн гэмшиж, энэ амьдралаа нэн утга учиртайгаар Эзэн Бурханд үйлчлэхийн тулд ашиглана гэж хэрхэн Түүнд амласнаа мэддэгсэн бол нэг хормыг ч өөр юм бодож, дэмий үрэлгүй, харин Бурханлагийг ойлгож ухаарахын тулд чөлөө зав бүхнээ зориулах байсансан!

Гэвч бид энэ дэлхийд төрмөгцөө л бүгдийг мартчихдаг. Учир нь хүмүүс ингэж мартдаг нь материаллаг ертөнцийн жам юм. Тиймээс аль нэгэн Багш залран ирж, эхийн хэвлийд байхдаа Эзэн Бурханд юу гэж амласнаа санах хүртэл маань бидэнд дахин дахин сануулж байх шаардлагатай болдог билээ. Бид бие махбодынхоо уураг тархиар санахгүй байж болох хэдий ч билгүүн ухааныг агуулагч сүнс маань санах болно.”³¹

“Эзэн Бурхан биднээр дамжуулан газар дэлхийг адислахыг хүсдэг учраас бурхны орон ба газар дэлхийн хооронд холбоос болохын тулд бид бууж ирсэн билээ. Гэвч бид тун удаан хугацааны туршид чадлаа барж, ядарсны улмаас өөрсдийн агуу их үүрэг даалгаврыг мартчихжээ. Бидний жинхэнэ уг чанарыг сануулах гэж үе үе Багш ирдгийн учир энэ юм. Бидний энд байгаагийн учир ч энэ юм.”⁵⁵

“Авшиг хүртэх үедээ заалгасан дасгал сургуулиа чин сэтгэлээсээ хийж байх юм бол бид бурхны орон болоод газар дэлхийн хооронд тэнцвэртэй оршиж, дэлхий дээрх үүргээ ч биелүүлж, Бурханлаг Вант Улсыг ч мөн танин мэдэж чадна. Бидэнд газар дэлхийд биелүүлэх ёстой олон зүйлийн үүрэг байх тул түүнийгээ чадахын хэрээр гүйцээж дуусгах ёстой. Гэхдээ бидний дэлхий дээрх эн тэргүүний үүрэг бол дэлхийгээ бурхны орон болгохын төлөө, хамаг амьтан таатай сайхан амьдрахын зэрэгцээ өндөр дээд ухамсар луу алхам алхмаар дэвшихийн төлөө дэлхийгээ адислах явдал юм. Өөрөөр хэлбэл бид дотооддоо байх Бурханлаг хүчээ сэрээн ашигласнаар орчлон ертөнцийн өөрчлөлт хөгжилтөнд тус дэм үзүүлж байдаг юм.

Дэлхийдээ дээд зэргийн тусыг бүтээхийн тулд даруй ашиглаж болох хүч чадлыг бидэнд хайрлах тэрхүү агшин зуурын гэгээрэлд хүргэх сэтгэлийн авшиг бидэнд хэрэгтэй байдгийн чухамхүү учир энэ билээ. Зөвхөн бие махбодын буюу материаллаг хүчийг хөгжүүлэн хэрэглэж, дэлхийдээ зориулах нь хангалттай биш. Хүн төрөлхтөн илүү өндөр хөгжил, дөмөг сайн дэлхийг мөрөөдсөөр ирсэн ч чухам үүнээс л болж дэлхий маань эдүгээ ийм байдалд байгаа билээ. Дэлхийн маань амьдрал сайжран өөрчлөгдөж, ирээдүй үеийнхэн маань илүү таатай орчинд өсч торнихын төлөө бид дотооддоо байх энэ агуу их хүчийг аль болох түргэн эргэн нээх цаг нэгэнт болжээ. Хорвоо дэлхийн өнөөгийн золгүй байдлыг бид хараад зөвхөн өөрсдийн ашиг тус, өнөө үеийнхний ашиг тусын төлөө бус хойч үедээ хамгийн сайн сайхныг өвлүүлж үлдээхийн төлөө үтэр түргэн гэгээрэхийн зайлшгүй чухлыг бид улам ч сайн ухамсарлаж байна. Энэ бол жинхэнэ үйлч бүтээлч хайр мөн билээ.”⁵⁷

Ирээдүй бидний гарт

“Энэ дэлхийн мөхлийн тухайд хүн болгон л санаа зовдог. Зарим нь бүр дэлхийн мөхлийг зөгнөн хэлж олон түмнийг түгшээж байна. Гэхдээ дэлхий мөхлөө ч гэгээрсэн хүмүүст тэвдэх шалтгаан үгүй, учир нь тэд ертөнц гэж юу болохыг мэддэг, мөн нэг л өдөр энэ үгүй болно, харин мөнх амьдрал бол хэзээд үргэлжилж, түүнд юу ч нөлөөлж чадахгүй гэдгийг мэддэг. Мөнх амьдрал гэдэг бид өөрсдөө юм, билгүүн ухаан гэдэг бидэнд буй юм, хайр бол бидний уг чанар юм, үүнийг ямар ч хөнөөгч бөмбөгөөр яагаад ч огт сүйтгэх аргагүй юм. Энэ бол орон зай, цаг хугацаагаар хязгаарлагдашгүй. Тийм болохоор Багш нар орон зай, цаг хугацаанаас үл хамааран шавь нартаа авшиг хүртээдэг юм. Багш нь шавь нарынхаа байгаа газарт байнга байх шаардлагагүй, гэхдээ тэд шавь нартаа тусалж, адислаж чаддаг. Шавь нар нь багш

болохоороо бас тийн чаддаг болно.”⁵⁰

“Зовлон гамшигт ихээхэн нэрвэгдсэн энэ цаг үед бид агуу их итгэл найдварыг ч бас өвөрлөсөөр байна. Учир нь Эзэн Бурхан манай дэлхий рүү олон гэгээнтнийг илгээгээд байгаа бөгөөд тэдний сургаал номлол нь бараг л адилхан байна. Тэд юуны түрүүн бид Бурханы Орныг эрж олох ёстой, тэгвэл бусад бүх юм жам ёсоороо болно гэж хэлж байна. Ер нь бол бид эхлээд ертөнцийн асуудлаа шийдвэрлэн, бүхнийг гартаа авч, орчлонг эзэгнэхийг оролдож байдаг. Гэвч бид байнга л сэтгэл гонсгор байна. Улс төрийн хамгийн шилдэг удирдагч байсан ч хүмүүсийн санааг түр зуур л амрааж, тэдэнд зөвхөн материаллаг тав тухыг л өгч чадна. Зөвхөн улс төрийн ур чадвар юм уу бусад авьяасаа хэрэглээд бид даян дэлхийг арчлан харгалзаж чадахгүй. Асуудал үүнд л байгаа юм. Хэчнээн сайхан санаа зорилго өвөрлөвч бид юуны түрүүнд дотоодлоо орших тэр дээд хүч, Эзэн Бурханы Вант Улсыг эрж олох шаардлагатай, түүнтэйгээ бид холбоотой ч байдаг. Тиймээс *“Эзэн Бурхан хүнийг Өөрийнхөө дүр төрхөөр бүтээсэн”* гэж хэлдэг. Дүр төрх гэдэг нь бидний царай зүс, бие махбод юм уу амьдралын хэв маягийг хэлж байгаа юм биш. Бидний бүтсэн тэр үл үзэгдэх эрчим хүчний дүр төрхийг хэлж байгаа юм.”⁴⁷

“Бид гэгээрчихсэн байсан ч энэхүү ертөнцийг өөрчлөн хувиргаж чадахгүй. Бид зөвхөн хүмүүсийг итгүүлэн үнэмшүүлж, өөрөө өөрсдийгөө өөрчлөхөд нь хөтлөн авчирч чадна. Тиймээс бид өөрсдөөсөө эхлэх учиртай юм. Бид ид шид тохиолдохыг хүлээгээд суугаад байж болохгүй. Ертөнцийг хэн ч өөрчилж чадахгүй, мянган Будда, сая Есүс байлаа ч чадахгүй. Чадах байсан бол тэд үүнийг аль хэдийн хийчих байсан. Үйлийн үр байгаа газарт ид шид ингэж тохиолддоггүй. Бид өөрсдийгөө ариусгах ёстой. Бид өөрсдийгөө цэвэршүүлэх ёстой. Хамгийн сайн эмч ч гэсэн бидэнд эм өгч л чадахаас биш өмнөөс маань эм уухгүй.”²⁷

“Өөрсдийнхөө амьдралыг үргэлжлүүлэх гэж өрөөл бусдыг алж хөнөөж байхын оронд бид газар дэлхийгээ аварч хамгаалж чадна. Амьдралынхаа хэв маягийг өөрчилж, ёс суртахуунтай аж төрж, мацаг хоолтон болж, өөрсдийхөө бие сэтгэлийг хөгжүүлэх ёстой. Ингэсний үр дүн нь тэр дороо гарна. Хорвоо дэлхий маань хоромхон зуур өөрчлөгдөнө! Хэрвээ хүн бүр мод огтлохын оронд тарьж эхэлвэл бид төдөлгүй аврагдах болно. Арван жилийн дотор л дэлхий маань одоогийнхтой адил байхаа больж, ямар ч асуудалгүй болно. Гагцхүү бүгдээрээ хамтран ажиллах юм бол найдвар гарцаагүй бий.”⁶³

Тиймээс би ертөнцийн хүмүүсийг нойрноосоо үтэр түргэн сэргэнэ байх гэж найдаж байна. Та бүхэн газар дэлхийгээ хамтран аврах хэрэгтэйг хүмүүст хэлээсэй, энэ мэдээг бүгдэд дамжуулаасай гэж би хүсч байна. Эс тэгвэл бид өөр юу хийх билээ? Бурханы оронд зөвхөн буянтай хүмүүс л сууж болно. Хэрвээ дэлхий ертөнц оршин тогтнохоо боливол, тийм ч өөдтэй биш хүмүүс бүгд хаа очих хэрэг вэ? Тийм учраас тусгүй улсын төлөө ч гэсэн бид бага сага зүтгэх ёстой болж байна. Энэ гариг дэлхий маань маш их үнэ цэнэтэй. Хэрэв Эзэн Бурхан энэ дэлхийг залхаан шийтгэж, эвдэн нураахыг хүсэх юм бол бид Түүний хүсэл зоригт захирагдахаас өөр юу ч хийж чадахгүй билээ. Гэхдээ Дэлхийг аварч болмоор бол бид түүнийг аврах ёстой. Яагаад гэвэл энэ дэлхий бол олон олон сүнс сурч хөгжихөөр ирж болох маш сайн сургууль юм.”⁶³

“Бид бол Эзэн Бурханы хамтран зүтгэгчид. Бид одоохондоо Эзэн Бурханы билгүүн ухаанд хүрч чадаагүй байгаа болохоор Түүний төсөл төлөвлөгөөг хүндлэх ёстой. Яагаад гэвэл тэр бол “Дээд Эзэн” юм. Юуг нь үлдээх, юуг нь зайлуулах, юуг нь засах хийгээд юуг нь нураахаа Тэр мэднэ. Тэр ямар нэг юм эвдэн сүйтгэсэн ч түүнийгээ дахин бүтээдэг; харин бид ямар нэгэн юмыг эвдэн сүйтгэчихвэл түүнийгээ дахин бүтээж чадахгүй. Учир начир нь үүнд байгаа юм. Бид хангалттай хүчтэй, хангалттай ухаантай биш учраас ийм юм

болж байгаа хэрэг. Хэрвээ бид хэзээ нэгэн цагт Бурханы хутагт хүрдэг юм бол тэр цагт л өөрийнхөө гараар эвдэх, бүтээх тухай ярьж болох магадгүй юм.”²¹

“Эзэн Бурхан үнэндээ зөвхөн энх амгаланг л хайрлаж байдаг. Хэрэв энэ мөчид Тэр биднийг зовлон гамшигт учруулж буй бол тэр нь энэ ертөнцийн мөнх бусыг сануулах, аюул зовлонгүй цайз хэрэм болох Эзэн Бурханы Орон луу бид буцаж очих ёстой гэдгийг сануулахын тулд юм. Эзэн Бурханыг дахин мартаж бүрт Тэр бидэнд сануулж байх болно. Бурхан эхлээд зөөлхөн сануулна. Хэрвээ бид энэ аядуу зөөлөн зөвлөгөөг нь сонсохгүй бол Тэр бидэнд хүчтэйхэн сануулна, тэгээд эцэст нь бүр маш хүчтэй шахаж шаардана. Иймд хэрэв та одоохондоо Бурханы шахалтанд их хүчтэй ороогүй байгаа бол Түүнийг хүчтэй шахалт үзүүлэхийг битгий хүлээгээрэй. Харин Тэр танд хүчтэй шахалт хэдийнээ үзүүлчихээд байгаа бол Бурханы Оронд түргэхэн эргэн ирж, тэнд Түүний хайрласан амар амгаланг эдлэн жаргаарай.”⁷

- А. Зарим хүн энэ дэлхий рүү асар их гай зовлон ойртож байгаа, сая сая хүн үхэх нь гэдгийг харж байна хэмээдэг. Энэ үнэн үү? Та юу гэж бодож байна?
- Б. Хэрвээ дэлхий дээр оршин суугчдын дийлэнх олонхи нь сэрэхгүй, дотоод дахь авралын хүчээ ашиглахгүй бол ийм юм бодитой болно. Эзэн Бурхан бидэнд амьдралыг аврагч хүчийг өгсөн боловч олонхи маань үүнийг ашиглахгүй байна. Үүссэн бүхэн цагаа болохоор устах нь мэдээж. Үүнийг сэргээн босгоход хүрэлцэхүйц бүтээлч хүчийг бид эзэмшихгүй юм бол энэ нь эвдэрч сүйрнэ. Яг л байшинтай адил. Байшин баригдчихсан байгаад, хэрэв бид түүнийг засч додомдохгүй бол, гэрт хэчнээн багаж зэвсэг, будаг, тоног төхөөрөмж байгаад, тэдгээрийг ашиглахгүй бол байшин маань аяндаа нурж сүйрэх болно. Гэхдээ байшин маань нурж сүйрсэн байсан ч бидэнд аваарын гарц бий. Хэрэв бид ийм гарц байдгийг мэдэхгүй, ашиглахгүй бол мэдээжийн хэрэг аюулд өртөнө. Тийм учраас би, хэрэв

хэрэг явдал иймдээ тулвал ядаж л өөрийгөө аврах энэ боломжийг та нарт санал болгох гэсэн юм. Гэвч хэчнээн хүн намайг сонсох бол? Энэ бол ямар нэг нөхцөл болзол шаардахгүй, маш энгийн зүйл. Та ердөө л суугаагаараа унтаж байгаа юм шиг биеэ сулруулан тайвшир, тэгмэгц танд эрч хүч бүхэн хүрээд ирнэ, өнгөрсөн ой санамжаас тань бүх мэдлэг ухаан хүрээд ирнэ, амьдралын бүх ур чадвар хүрээд ирнэ, тэгэхдээ энэ нь тун энгийн.

Гэтэл хэчнээн хүн үүнийг дагаж байгаа билээ дээ? Дэлхийн эцэс төгсгөлийн тухай та нар надаас үргэлж л асуух юм. Биднийг үхэхээр дэлхий ч ямар нэг хэлбэрээр төгсөнө. Тэгэхээр бид сүнсээ аваръя. Мөн энэ дэлхийгээ авармаар байвал өөрсдийн хүч, Дээд хүчээр хувь нэмэр оруулах ёстой юм. Бид энэ хүчээ өөрсдөдөө эргүүлж авч, хэргийг нь гаргах ёстой. Эс бөгөөс хэн тэгж чадах юм бэ? Сахиулсан тэнгэрүүдэд өөрсдийнх нь ертөнц, өөрсдийнх нь үүрэг бий. Есүс хаа нэгтээ, манай дэлхийгээс илүү дэвшилтэй өөр газарт ном тайлж байгаа. Бурхан Багш өөрийнхөө ажил хэргээр Бурхадын орон луугаа явчихсан. Энд зөвхөн бид л өөрсдийгөө аврахаар байж байна. Хэрвээ та бүхэн сүйрлээс айж байгаа бол гэгээрч, орон байшингаа засч, дэлхий ертөнцөө илүүхэн ёс суртахуунтай, илүүхэн гэгээрсэн гариг болгон сэргээгтүн. Ингэвэл бидэнд ямар ч сүйрэл мөхөл тохиолдохгүй. Эс бөгөөс, ирээдүйн тухай би юу ч мэдэхгүй байлаа ч “Тийм ээ, юу ч тохиолдож мэднэ” гэж хэлнэ. Хэрвээ дэлхий маань дээр нь амьдрах аргагүй, тэгтлээ үжирсэн, танаггүй газар болж байвал Эзэн Бурхан түүнийг эвдэж нураагаад шинийг бүтээх болно.”⁴⁷

- А. Зөрчилт нийгэмд амьдарч байгаа гэгээрсэн хүн нь тэрхүү зөрчлийг арилгахад хэрхэн туслах боломжтой вэ?
- Б. Энэ бол маш хэцүү. Бид гагцхүү өөрийнхөө дотоодод байгаа зөрчлийг л арилгаж чадна. Хүн болгон тэгчихвэл, нийгэмд арилгаад байх зөрчил байхгүй болно. Тийм ч учраас Есүс, Бурхан хоёр тийм агуу их байсан атлаа

өөрсдийн хил хязгаар доторхи зөрчлийг арилгаж чадаагүй, зарим үед өөрсдийнх нь амьдралд ч гай зовлон тохиолдож байсан. Энэ нь дэлхийн хүмүүсийн олонхи нь гэгээрч сэхээрээгүй, амар амгалан бус байснаас болсон юм. Тийм учраас гэгээрэл бол энэ ертөнцийн бүхий л өвчин эмгэг, дайн тулаан, зөрчил тэмцэлд хэрэгтэй цорын ганц зүйл мөн, өөр юу ч хэрэггүй.⁵¹

- А. Багш аа, халдлага түрэмгийлэлд өртөж, дайнд нэрвэгдсэн улс орон, зовлон хүчирхийлэл амсаж байгаа хүүхэд, эмэгтэйчүүдийг харахаараа би ямар байр суурь баримтлахаа мэдэхгүй болчихдог. Та ямар нэг зөвлөгөө өгнө үү?
- Б. Таны энэ асуултыг бусдад анхаарал халамжтай олон хүн тавьдаг. Хэрэв хүмүүс өөрөө өөрсдийгөө л эмчлэхгүй юм бол өөр ямар ч эмчилгээ байхгүй. Та бүхэн үйлийн үрийн хуулийг мэднэ. Та алуурчдыг зайлуулж, эмэгтэйчүүдийг хамгаалахад амжилт оллоо гээд бодъё. Гэвч та бүх дэлхий даяар ингэж хэрхэн чадах вэ? Бас зарим үед гэм буруугүй хүн нь тийм ч цэвэр ариун биш, алуурчин нь цорын ганц хариуцлага үүрэх этгээд биш байж болно. Нийгэм бүхлээрээ, дэлхий даяараа хариуцлага хүлээнэ. Тийм болохоор бид хэрхэн яаж чадах билээ? Та тэр нэг хүнийг шоронд суулгаж болно, гэтэл өөр хүн гараад ирнэ. Хэрвээ хүмүүс өөрчлөгдөхийг хүсэхгүй л юм бол бид дэлхийг өөрчилж чадахгүй. Гэхдээ бид оролдоод үзэх ёстой.

Тийм ч учраас Багш нар хүмүүст өөрсдийгөө өөрчил гэж хэлэн, амь насаараа дэнчин тавьж хэрэн явдаг юм. Тэгэхээр та тэнд харамсаж халаглан суухын оронд бас нэгэн дэнлүү асааж, тэдэнтэй нэгдэн нийлж яагаад болохгүй гэж? Ямар нэг юм хийгээч. Та арвыг аварч мэднэ, харин өөр хүн хорийг аварч магад. Ингэж бид бага багаар даян дэлхийг аварч чадах юм. Амьдралын хэвшлээ хэрхэн өөрчлөхийг нийгэмд зааж хэлэхээс өөрөөр хүмүүсийг өөрчлөх ондоо арга байхгүй. Зөвхөн хохирогчийг нь төдийгүй нийгмийг бүхэлд нь өөрчлөх хэрэгтэй. Бид зовлон гамшгийг бүхэлд нь зогсоож чадахгүй юм гэхэд ядахдаа зарим хэсгийг нь

зогсоож чадна; энэ бол хэдийнээ том ололт мөн.²⁵

- А. Таны бодлоор энэ гариг дээр явал энх амгалан тогтож болох вэ?
- Б. Хэрвээ хүн бүхэн өөрийн Бурхан чанартаа эргэж хандан; зөвхөн буян хийж, сайхныг бодож, сайныг яривал тэр цагт энх амгалан болно. Өөр шийдэл байхгүй. Өөр ямар ч амьтан танд амар тайвныг өгч чадахгүй. Бид өөрсдийгөө амарлингуй аясаар хөглөж, амгалан амьдарч, амар тайвны үлгэр дуурайл болох ёстой. Бид дэлхий дээр энх амгалангийн амьд дүр болбол энх тайвныг хэрхэн тогтоох тухай ярих хэрэгцээ цаашид байхгүй болно.²⁴

Газар дэлхийн хайраас хальж гарахуй

“Дэлхий маань заримдаа тэвчихийн аргагүй болчихдог. Энэ биднээс өөрсдөөс маань л болдог. Тэгэхээр одоо энэ байдлыг сайжруулах, дэлхий гэрээ, тасалгаа бүр нь үндэстэн ястан болдог энэ олон өрөө байраа засахын тулд, хорон муугаас зайлсхийж болдог юм шүү гэдгийг бид мэдэх ёстой. Сайн үйл хийж, сахил сахиж, хөрш олноо хайрласнаар хорон муугаас зайлж болно. Гэвч бидний сэтгэл *“амийг амиар, цусыг цусаар”* гэдэг зарчимд дэндүү дасчихсан тул, хийх ёстой гэж боддог зүйлээ хийж, бусдад маш элгэмсэг дотно хандахад хэцүү байдаг. Тиймээс сэтгэж үйлдэх дадал зуршлаас маань татан гаргаж туслах бүр илүү хүч бидэнд хэрэгтэй болдог юм.

Чухамдаа бол энэ ертөнцийн бүх юмс, тэр бүү хэл хорон муу тал нь ч бидэнд тустай сайн гэж хэлж болно. Хорон муу зүйл бол бидний алдаа. За, тийм юм байж. Гэтэл тэглээ гээд бид алдаатайгаа мөнхөд зууралдах албагүй. Яах вэ, алдаа биднийг ядаж л цочролд оруулах юм даа. Алдааныхаа горьг амсахаараа бид зүй зохистой зүйл хийгээгүйгээ ухаарч цочирно. Тэгээд гутарч зовно. Түүнээсээ болоод ч бид эргэцгээдэг. Түүнчлэн энэ дэлхий дээрх сайн сайхан, баяр баясгалан бүхэн ч гэсэн дотоодод маань, жинхэнэ гэрт маань

үнэн аз жаргал байдгийг сануулахын тулд л байдаг юм шүү дээ.

Тиймээс Эзэн Бурхан бидэнд зориулан бүтээсэн зүйлсийг эдэлж цэнгэх нь нүгэл биш. Харин эдгээр зүйлст цаг үргэлж хэт их шунаад байх юм бол Эзэн Бурхан бидэнд энэ чинь зөв биш шүү гэж сануулна. Тийм ч учраас заримдаа бид хамгийн их хайрлан нандигнадаг зүйлээсээ болж гуниг, зовлонд унадаг.

Энэ дэлхийг үгүйсгэх нь буруу. Гэхдээ бас зөвхөн дэлхийн явдалд гүнзгий автаж живэх нь зөв биш. Учир нь ингэвэл бид энэ ертөнцийн өгч чадах аливаа бүхнээс хавьгүй их аз жаргал өгдөг, амьдралын нөгөө илүү сайхан хэсэг болох сүнс, оюун санааны талыг мартаж орхино. Энэ ертөнцөд байгаа бүх зүйл нь бидний мэдвэл зохих, олж авбал зохих жинхэнэ аз жаргал, жинхэнэ алдар, жинхэнэ амьдралын тухай сануулга төдий билээ. Учир нь бид үүнийг мартчихсан юм.

Олон хүн надаас эрэгтэй, эмэгтэй хүний хоорондын харилцаа, бэлгийн амьдралын ханамж зэргийн талаар асуудаг юм. Энэ нь нүгэл үү гэж асуудаг. Би “Нүгэл биш ээ” гэдэг. Гэхдээ та бүхэн үүнээс ч илүү сайхан таашаал ханамж олон байдгийг мэдэх хэрэгтэй. Бэлгийн таашаал ханамж бол ердөө л та өөрөө өөртэйгээ нэгдэж, таны доторх эмсэг, эрсэг тал, дотоод дахь хоёр энерги нэгдэж нийлэх үеийн тэр жинхэнэ таашаал ханамжийн дуураймал төдий л юм. Эр, эм хүний хоорондох холбоо бол ердөө түүний дуураймал л юм.

Тэгэхээр, Эзэн Бурхан биднийг энэ ертөнцөд Бурханы Орныг сануулах ямар ч хэрэгсэлгүйгээр илгээсэнгүй. Гагцхүү бид энэ бүхэн нь зөвхөн сануулах зориулалттай зүйлс гэдгийг мартчихжээ. Бид жинхэнэ зүйлийг нь мартчихаад ердөө хуулбарт нь дурладаг. Чухам энэ л бидний амьдралыг аз жаргалгүй болгож байгаа юм. Бүр хуулбарынх нь ч хэргийг гаргаж бүрэн дүүрэн жаргаж чаддаггүй. Тиймээс эрэгтэй, эмэгтэй хүний хоорондын харилцаа тогтворгүй байх нь олонтаа, бэлгийн харилцаа нь тийм ч эрхэм ариун бус, бие биенээ нэг ч их хүндлэхгүй, харин заримдаа бүр доромжлол ч

болж, цөхрөл гутралаа тайлах хэрэгсэл мэт болдог байна. Тийм учраас хэрэв бид энэ амьдралдаа жинхэнээсээ жаргая гэж хүсч байгаа бол бидний мэддэг газар дэлхий дээрх амьдралаас түм буман хувь илүү сайхан тэр жинхэнэ амьдралаар амьдарч жаргах ёстой юм. Тэр чанагуухи амьдралыг мэдсэнээр бид энэ амьдралдаа ч бас жаргаж чадна.”⁵⁰

“Бясалгал хөөсөн олон хүн Багшгүй юм уу, эсхүүл авшиг хүртээгүй, зөв зүйтэй ойлголт аваагүй, эсхүүл бясалгалаа зөв зүйтэй хийж хараахан сураагүйгээсээ болоод бясалгагч больё гэвэл бүхнийг хаяж, хүний аливаа харилцаа холбоонд хөндий хүйтэн хандах ёстой гэсэн буруу үзэл бодолтой байдаг. Энэ буруу шүү, буруу. Тийм учраас Лууз “Дао Те Чинг” номдоо “Ердийн санаа бол Дао” гэсэн байдаг. Дао буюу гэгээрэлд хүрэх цагт та хэдий чинээ их гэгээрсэн байна төдий чинээ амгалан, төдий чинээ энэрэнгүй болно. Хүнтэй бие махбодын харилцаатай байх шаардлагагүй болж болох авч, байдгаараа л байж, үүргээ биелүүлнэ. Гэхдээ үүнийг ойлгоход амаргүй байгаа л даа. Гэвч цаг нь болохоор та ойлгоно. Эзэн Бурхан биднийг эхнэр нөхрөө дассан сурснаараа энхрийлж хайрлахыг хориглохоор тийм явцуу санаатай биш.

Эзэн Бурхан Өөр дээрээ хүрч ирүүлэхийн тулд хайртай хосуудыг хагацаан салгахаар тийм хатуу харгис ч биш. Бид Эзэн Бурханыг хайрлахын тулд зүрх сэтгэлээ уужим болгож, бас хамаг амьтан түүний дотор гэр бүлийнхнээ багтаах ёстой. Хэрэв бид өөрсдөөсөө хол хөндий, үл таних бусад төрөлтнүүдийг хайрлаж чадаж байгаа бол яагаад хамгийн ойр дотнын, гэр бүлийнхээ хүмүүсийг хайрлаж болохгүй байх билээ? Гагцхүү байгаагаараа байж, урьд өмнөхөөсөө улам илүү хайрлагтун, тэгэх юм бол гэр бүлийнхээ эв зохицлыг хадгалж чадна. Эс бөгөөс, хань ижил тань аз жаргалгүй байхад өөрөө аз жаргалтай байна гэдэг хэцүү.

Үнэндээ эрэгтэй, эмэгтэйчүүд гэрлэхдээ зөвхөн бие махбодын талаар ойр дотно байхын тулд бус харин хайр халамжийн төлөө гэрлэдэг, тийм болохоор та нар бясалгалаас

болж ямар ч шалтгаар нэгнийгээ гаргуунд нь хаях ёсгүй. Учир нь бусдад халамж, хайр гаргах нь та нарын үүрэг, та нар энэ үүргийг өөртөө хүлээсэн, тиймээс үүнийг хийх ёстой. Өрөөл бусдыг хайрлах нь хүндтэй хэрэг, ахиц дэвшил мөн болохоос ухарч унаж буй хэрэг биш. Ойлгож байна уу? Бие махбодын холбоо байсан ч байгаагүй ч, та нар нэг нэгнийгээ Багш та нарыг яаж хайрладаг, тэгж хайрлах ёстой.”³⁷

- А. Дорно дахины олон шашинд бие махбодыг бараг хог новш мэт гаргуунд хаях ёстой гэж үзэх хандлага байдаг. Би энэ биед төрөл авахдаа энэ ертөнцөд амьдрах боломжоор нь хангахын тулд түүнийг чадлын хэрээр арчилж тордох үүрэг хүлээсэн мэт санагддаг. Хүнд сэтгэлийн хүч ба Бурханлаг хүч байдаг. Бид нэгэнтээ хоёр ертөнцийн аль алинд нь амьдарч байгаагаас хойш, хаа хаана нь аятай байхыг чармайх тэнцвэртэй хандлага гэмээр зүйл шаардлагатай бус уу?
- Б. Тийм ээ, тийм байх ёстой. Бүр илүү тэнцвэртэй болох учиртай. Шашны ном сударт өгүүлсэн зүйл бол бид бие махбодынхоо хүсэл, мэдрэмжид хэт автаад сүнсээ мартаж ёсгүй гэдгийг л хэлж байгаа юм. Заримдаа энэ нь зөвхөн тухайн үеийн хэн нэгэн хүн юм уу, хэсэг хүмүүс, өөрөөр хэлвэл ийм үг сонсвол зохих хүмүүст л зориулагдсан байдаг. Сүүлдээ энэ нь нийтлэг заавар болж хувираад утга санаа нь алдагдсан хэрэг. Хэлсэн тэр үедээ энэ нь тун хүчтэй, үнэн зөв зүйл байжээ. Гэвч дараа нь бичиж тэмдэглэгдэн, өөр хэсэг хүмүүст дамжин өгөгдөж, зөвөө больсон байна. Тийм болохоор юу хиймээр байна түүнийгээ хий, гэхдээ бие махбодын хүсэл шуналдаа хэт автах хэрэггүй. Бие махбодоо хэн яаж мартаж вэ? Биеэ өлсгөж хаяад бясалгалаа хийнэ гэж байхгүй. Биеэ хайрлаж додомдох ёстой, гэхдээ цаг үргэлж махбодынхоо тухайд санаа тавиад сүнсэндээ цаг гаргахгүй байж болохгүй. Зарим хүмүүс тэгдэг, тиймээс энэ заалт тэдэнд л хамаарна. Есүс мөн адил сүнснийхээ төлөө бие махбодыг хаях хэрэгтэй гэж хэлсэн. Гэвч Тэрбээр шаардагдах хэмжээнд биедээ санаа тавьж, хооллож байсан билээ.³⁰

- А. Би бие махбодоосоо болон эсрэг хүйсийн хүнийг хүсэх, хайрлахаас яаж зайлсхийх вэ?
- Б. Үүнээс зугтах хэрэггүй, эс бөгөөс бид ерөөсөө хүүхэдгүй болно шүү. Зүгээр тайван байж, нэг л хүнтэй харьцаж бай. (Инээлдэв) Ганц л хүнтэй бай, за юу? Хэрэв өөрт тань нийцсэн заяаны хань байдаг, бие махбод, сэтгэл санаа, оюун ухааны гурван хэмжээст хайр байгаа бол сайхан хэрэг. Хэрвээ та гэрлэлт юм уу, тогтвортой харилцаагаар махбодын хүслэн гэгчийг зохицуулаад байвал тэр чинь сүүлдээ танд тийм их хүчтэй нөлөөлөхөө больчихно. Тиймээс санаа зовох хэрэггүй, эхэн үедээ л ийм байдаг юм.⁵¹
- А. Гэгээрэлд хүрэхийн тулд бэлгийн эрч хүчтэйгээ тэмцэх буюу энэ талаар ямар нэг арга хэмжээ авах ёстой юу?
- Б. Үгүй, үгүй, та зүгээр л тайван бай. (Инээлдэв) Бэлгийн хэрэгцээтэйгээ тэмцэхэд зарцуулдаг тэр бүх хүчээ бясалгал хийхэд ашиглавал дээр. Биеэ тэгж тамлаад яах юм бэ? Энэ бол байгалийн жам ёсны үзэгдэл бөгөөд цаг хугацаа өнгөрөхийн хэрээр эрч хүч нь суларна. Гэрлэхсэн хүний хувьд бүх зүйл, бүр хүсэл тачаал чинь ч хүртэл ихэд багасна. Хэдий чинээ их бясалгана, тэнгэрлэг жаргалыг төдий чинээ их мэдэрнэ. Бэлгийн харьцаа бол тэнгэрлэг жаргалыг ердөө л орлох төдий зүйл. Бидний олонхи нь жинхэнэ таашаалыг мэдэхгүй болохоороо түүнийг доогуур зүйлээр орлуулдаг юм. Гэхдээ бид жинхэнийг нь нэгэнтээ мэдвэл орлуурт нь татагдахгүй. Хүүхдүүд өсч том болмогц хамаг тоглоом, хуванцар машины загварууд нь тэдний хувьд асар их ач холбогдолтой байхаа больдогтой л адил. Яагаад гэвэл тэдэнд одоо Мерседес, Роллс-ройс, Кадиллак ч юм уу эсвэл аль нэг жинхэнэ машин байна. Тэд машинаа илүү хурдан бас хэрэгцээтэй гэдгийг мэднэ. Тийм болохоор бэлгийн харьцааны асуудлыг бодож санаа зовох хэрэггүй, ердөө гэгээрэлд л хүр.

Гэгээрсний дараа хамаг юмнаасаа салчихна гэж санаа зовох хэрэггүй. Харин ч эсрэгээр бүх юманд бүр хүчтэй цэнгэнэ; гэхдээ хэзээ, яаж гэдгээ мэддэг болж, цэнгэл жаргалын хүчийг гэгээрэхээс өмнө байсан шигээ хэтрүүлдгээ болино. Хэрэв та хүсч, таашааж байгаа бол хэзээ ч гэсэн бэлгийн харьцаанд орж болно. Гэхдээ таны амьдралын гол зорилго бол гэгээрэл бөгөөд авшиг хүртсэний дараа гэгээрэл танаас яасан ч холдохгүй. Гэгээрэл таныг үргэлж шахан шавдуулж, та урагшлахгүй байж ердөө чадахгүй, эргээд мунхаг болж чадахгүй болно. Хэрэв та эхнэртэйгээ хааяа жаахан дасгал хийжээ гэхэд үүнээс юу болчих юм бэ? Бурхан энэ талаар нэг их санаа зовнихгүй шүү! (Инээлдэв) Та юм болгоноос дэндүү их айж байна. Нэг жаахан бэлгийн харьцаа ч таныг айлгаж байдаг. Тийм аймаар юм огт байхгүй шүү дээ!⁵³

- А. Үр хөндүүлэхийг та юу гэж үздэг вэ, сүнс хэдийд биед ордог гэж та бодож байна?
- Б. Өө, хүмүүс үр хөндүүлэх ёсгүй. Сүнс биед хэдийд ордог вэ гэдэгт асуудал байгаа юм биш, энэ бол хорон санаа, амь хөнөөх хандлагын тухай л асуудал юм. Ойлгож байна уу? Бид иймэрхүү амь хөнөөх хандлагаас татгалзах ёстой. Сүнс биед хэдийд ордгийг надаас асуухын хэрэг байхгүй. Үр хөндүүлэхийг хүсч байна гэдэг чинь та амь таслахад бэлэн байна гэсэн үг. Үүнийг л бид ор үндсээр нь үгүй хийх хэрэгтэй. Бид нигүүлсэх сэтгэл болон билиг ухаанаа хөгжүүлж, төрөлх чанарынхаа сөрөг талд дийлдэхгүй байвал зохино. Сөрөг талдаа бид хэдий чинээ автана, төдий чинээ доройтож, бид төдий чинээ их уруугаа татагдах болно. Та бясалгал хийж сурах хэрэгтэй, тэгвэл сүнс хэдийд эхийн хэвлийд ордгийг ч бас хэзээ нэгэн цагт мэдэх болно. Үүнд тодорхой цаг хугацаа байдаггүй, орох цагтаа л орно! Сүнс гараад явчихаж болно, тэгээд дахин эргээд ирдэг! Тиймээс тэнд сүнс байна уу, үгүй юу гэдгийг хэзээ ч мэдэх аргагүй. Тэнд одоохондоо сүнс байхгүй байлаа ч гэсэн ялгаагүй бидэнд алах, өөрийнхөө мах цусны тасархайг хөнөөх эрмэлзэл байна шүү дээ, энэ чинь олигтой хэрэг

биш. Хэрэв та дайснаа юм уу махчин араатныг алсан бол танд юутай ч гэсэн өөрийгөө хамгаалсан гэх мэт шалтаг байхсан. Гэтэл та ямар ч гэмгүй сүнсийг хөнөөх тухайд асуух ч хэрэггүй... гэмгүй амьтныг алах нь сайн хэрэг биш. Өөрийгөө дорд муу болгох ийм юм бүү бодож үзээрэй. Нөхцөл байдал хэчнээн муу байлаа ч гэсэн та дөнгөөд аргалж чадна. Бурханд мөргөж залбир, хүүхдээ өнчин хүүхэд асрах газар өгөх ч юм уу, өөр шийдэл ол. Дэлхийд хүүхэд хүсч буй гэр бүл, хосууд олон бий, тэд хүүхэд үрчилж авна. Тиймээс ийм юм битгий бод. ¹³

- А. Нэгэн зэрэг төгс бурханлаг, төгс хүмүүнлэг чанартай байж болох уу?
- Б. Болно, төгс бурханлаг хүн гэдэг бол төгс хүмүүнлэг хүн. Төгс хүмүүнлэг хүн гэдэг бол төгс бурханлаг хүн мөн. Одоо бол бид зөвхөн хагас дутуу хүн төдий байгаа юм. Бид юмыг эргэлзэх сэтгэлээр биеэ дөвийлгөн байж хийдэг ба эдэлж буй жаргал, мэдэрч буй бүхнийгээ Эзэн Бурхан зохицуулж байдаг гэдэгт бид итгэдэггүй. Бид буян нүглийг ялгаж заагладаг. Юухныг ч гэсэн их юм болгон дөвийлгөж, өөрийгөө болон бусдыг түүгээрээ шүүн дүгнэж, тэгснээрээ Эзэн Бурханы юу хийх ёстойг явцуугаар ойлгон зовж шаналдаг.

Үнэндээ Эзэн Бурхан бидний дотор оршиж, харин бид Түүнийг хорьж хязгаарлаж байдаг юм. Өөрсдөө бид цэнгэж жаргах дуртай ч түүнийгээ мэддэггүй. Тэгээд өөртөө “Би ингэх ёсгүй” гэж хэлдэг. Гэхдээ мацаг хоолтон болохын учир юу вэ? Бидний дотоодын Бурхан үүнийг хүсч байгаа учраас л тэр юм. Мацаг хоолтон бус байх нь бидний өөрсдөө хөнөөгдөхийг үл хүсдэг зарчмын эсрэг зүйл юм. Бид өөрсдийгөө алуулахыг хүсэхгүй, эд юмаа хулгайд алдахыг хүсэхгүй шүү дээ. Хэрэв бид бусдын эсрэг тийм зүйлсийг хийж байгаа бол энэ нь өөрсдийнхөө эсрэг хийж байгаа хэрэг мөн бөгөөд ингэх нь биднийг зовлон шаналалд унагадаг. Жишээлбэл, хүн өөрийгөө өлсгөж харангадуулах юм уу эсвэл зодож цохих ёсгүй. Алж хөнөөхийн тухайд ч

мөн адил. Бид хэрхэвч амь хөнөөх ёсгүй, яагаад гэвэл энэ нь амьдралын хууль зарчимд харшилна, мөн биднийг зовоож шаналгах учраас бид ингэх хэрэггүй. Ингэснээрээ бид өөрийгөө хорьж, хязгаарлаж байгаа юм биш. Энэ бол бид амьдралаа зөвхөн хүмүүс төдийгүй амьтад ба амьдралын бүх төрөл хэлбэр хүртэл өргөжүүлэн тэлж байна гэсэн үг. Бидний амьдрал зөвхөн энэ биеэр хязгаарлагдахгүй болж, харин хамаг амьтан, бүхий л амьд юмсыг хамарч өргөжнө. Ингэснээр бид агуу их болж, сүр жавхлангаа эргүүлэн олж авна.³⁰

Бурханлаг хайр

Хайр юм бүхнийг угаан ариусгаж, муу бүхнийг эвдэн нурааж, хил хязгаар бүгдийг уусган сарниулдаг. Есүс шавь нарынхаа нүгэл хилэнцийг чухам хайраараа л ингэж цайруулсан билээ. Газар дэлхийд оршин байхдаа Тэрбээр энэ хайрыг биедээ тээж явсан юм. Будда амьд ахуйдаа, биднийг тэр хайрыг эдлэн жаргаг гэж бид Түүний нэгэн адил хайрлаж, хайраа хөгжүүлж, хайраа эргэн чөлөөлөхийн тулд бүх л саад хаалтыг таньж давж сураг гэж энэ хайрыг тээж явсан билээ. Тэд ийнхүү үлгэр дуурайл үзүүлсэн.

Тийм ч учраас хүмүүс Багш нарыг хайрладаг. Багш нарт хайраас өөр юу ч байхгүй, тэд залуухан биш, сайхан биш байж болно. Багш заавал ийм тийм маягийн хүн байх ёстой гэдэг бол утгагүй зүйл. Багш тань бөгтөр нуруутай ч байсан бөгтөрхөн биедээ тээж яваа хайр нь төгс төгөлдөр л байх болно. Хүмүүс энэ хайранд нь л татагддаг юм. Учир нь хүмүүс бид энэ хайрыг дотроо агуулж байдаг. Тэгээд тэр хайртайгаа адил зүйлийг асар их буйг олж харахаараа түүнд шумбан ариусахыг хүслэ! Хэрэв та энэ эрдэм ухааны авшгийг хүртвэл өөрийнхөө хязгааргүй хайрыг таньж мэдэх болно. Хэрэв та чармайн бясалгаж, итгэл бишрэлтэй байх юм бол Эзэн Бурханы хүсэл зориг, тус дэмээр Есүст байсантай адил тэр хайрыг олж аван, Түүн шиг болно. Та өндөр өсгийт, охорхон банзалтай Есүс болж чадна.”³⁰

Есүс заларч ирээд, бид дэргэдэх хүмүүсээ хайрлах ёстой, дайснаа бол түүнээс ч илүүтэй хайрлах ёстой гэж сургасан билээ. Будда, Мухамед, Сократ, Лууз бүгд л адилхан зүйлийг сургаж номлосон. Би ч мөн адил, бусдыг хайрлаж чадахын тулд дотроо байгаа энэ агуу их хайраа хэрхэн хөгжүүлэхийг заасан эртний энэ л сургаалыг та бүхэнд сануулах гэж энэ улсад хүрэлцэн ирсэн юм.

Энэ хайр үл үзэгдэх хэдий ч бидэнд мэдрэгдэж, бид үүнийг хүссэнийхээ хэрээр хэрэглэж болохоор тийм агуу их юм. Энэ агуу их дотоод хүчийг яагаад хайр гэж нэрлэдэг вэ? Яагаад гэвэл энэ хайр хамаг л нүгэл хилэнцийг маань уучлан өршөөж, угаан ариусгадаг юм. Бид урьд өмнө нь ямар муу хэрэг хийсэн нь хамаагүй. Бид энэ хайртай холбогдож, энэ хайрыг мэдрэх л юм бол нялх хүүхэд мэт ариусдаг. Тийм учраас л үүнийг хайр гэж нэрлэдэг юм. Хайранд нүгэл хилэнц, зааг хязгаар, өнгөрч улирсан гэж үгүй, зөвхөн одоо л гэж бий. Есүс энэ хайрын хүчээр шавь нарынхаа нүглийг цайруулсан. Будда энэ л хайрын хүчээр хүмүүсийг Бурханы оронд нь буцааж хүргэсэн. Энэтхэгийн Кришна энэ л хайрыг тээж байсан болохоороо энэтхэгчүүдийн хайр бахархлыг хүлээсэн хэвээр байгаа билээ.”⁹

- А. Хайрын тухай, хүн болохынхоо хувьд хайрыг энд буулгаж ирэх бидний чадавхийн тухайд та юу хэлэх вэ?
- Б. Бурханлаг хайр, жинхэнэ хайрыг уу? Бид Эзэн Бурханыг мэдэхгүй л бол чадахгүй. Бурхан яаж хайрладаг шиг бид тэгж хайрлавал л зөвхөн жинхэнэ хайр болно. Тийм биш бол энэ нь тэр хайрын нэг хэсэг л төдий юм. Эрэгтэй, эмэгтэй хүмүүсийн хооронд Бурханлаг хайрын нэг хэсэг буй болсноор тэднийг холбож, аз жаргалтай болгодог. Бурханлаг хайрын хэсэг эх, хүүхэд хоёрын хооронд үүссэнээр тэдэнд маш онцгой элгэмсэг холбоог мэдрүүлдэг. Үүнтэй адилаар энэ хайрын хэсэг нь хүмүүн ба хүмүүн бус, аливаа амьтдын хооронд үүссэнээр тэднийг холбож, аз жаргал хайрладаг. Энэ хайр тэр чигтээ бүхлээрээ ертөнц даяар цацран тархаж байгааг төсөөлөөд үз дээ? Тийм учраас хүмүүс Багшаар дамжин цацарч

байгаа ийм Бурханлаг хайрын дэргэд амар амарлингуйг мэдэрдэг юм.

Хүмүүс эрт цагаас ийм Багш нарыг шүтэж ирсний учир энэ юм. Цааз шийтгэлээс үл эмээн хүн бүр Есүсийг дагаж байсны учир энэ юм. Бүгдээрээ Бурхан багшийг бишрэн хайрлаж байсны шалтгаан энэ юм. Түүний хайрыг бүхэлд нь мэдэрч чадахуйц өндөр дэстэй хүмүүс хайранд нь умбан жаргаж, орхиж явахыг хүсдэггүй байсан билээ. Буддаг харах бүртгээ тэд Түүнээс харцаа ч салгаж чаддаггүй байжээ. Энэ нь хүн бүрийн дотор байдаг тэр хайраас болсон хэрэг, харин бидний үзэл бодол энэ хайрыг хаан хавчиж байдаг. Бид бүх үзэл бодлоосоо салчих юм бол тэр хайр өсөн цэцэглэх болно.

Бидэнд “Би” үгүй болмогц бид Есүс юм уу Будда шиг тийм их энэрэнгүй болж, мянга мянган хүн бидэнд татагдаж, биднээс холдохыг хэзээ ч хүсэхгүй. Тэгэх зуураа тэдгээр хүмүүс өөрсдийнхөө хайрыг таньж мэдэх чадвараа хөгжүүлдэг юм, ойлгож байна уу? Эхлээд тэд зөвхөн Эзэн Бурханы хайраар тэднийг адислаж өгсөн хүнийг хайрлаж байдаг. Зөвхөн энэ хайрын улмаас л тэд Багшдаа хайртай байдаг. Төгс бүрэн энэ хайрыг Багш биедээ тээж байдаг юм. Гайхамшиг бүхэн ингэж бүтдэг, учир нь хайрын хууль бусад бүх хууль, түүний дотор үйлийн үрийн хуулийг ч даван туулж чаддаг. Тийм болохоор Багш хүн Өөрт нь итгэдэг хүн бүрийг чөлөөлж, бурхдын орныг бүхэлд нь нээж, тамын оронг бүхэлд нь эвдэж чаддаг билээ.³⁰